



Մ Ա Յ Ր Ա Թ Ո Ռ Ո Ւ Մ

Ապրիլի 1-ին, շաբաթ.—Առաջ շաբաթ.
Ծրագրույց Ջատկի.

Երեկոյան Մայր տաճարում կատարվում է Ջատկի Ծրագրույցի արարողությունը՝ հանդիսադրությամբ Վեհափառ Հայրապետի, որը և ընթերցում է Արարչագործության պատմությունը Մկրտիչ գրքից:

Հոգևոր ճեմարանի սաները Ավագ խորանի վրայից ընթերցում են «Դանիել»-ը:

Ծրագրույցի ս. պատարագ է մատուցում տ. Մասիս արք. Գալստյանը և «Հայր մեր»-ից առաջ քարոզում «Այսօր յարեալ ի մեռելոց, փեսայն անմահ և երկնաւոր» քնարանով:

Հաւարտ ս. պատարագի Վեհափառ Հայրապետի հանդիսադրությամբ կատարվում է Ջատկի նախատոնակը և Մայր տաճարի կամարների տակ հնչում է հաղթական «Այսօր յարեալ» հոգեզմայլ շարականը:

Արարողության վերջում Վեհափառ Հայրապետը եկեղեցական թափոռով առաջնորդվում է Վեհարան:

Ապրիլի 3-ին, երկուշաբթի.—Յիշատակ մեռելոց.

Մայր տաճարում ս. պատարագ է մատուցում տ. Եղիշե քհն. Բաղրամյանը:

Հաւարտ ս. պատարագի կատարվում է հոգեհանգիստ՝ «վասն հաւթօրէն ճնշեցելոց»:

Ապրիլի 7-ին, ուրբաթ.—Անտունն ս. Աստուածածնի.

Օրվա տոնի առիթով Մայր տաճարում ս. պատարագ է մատուցում տ. Մուշեղ վրդ. Պետիկյանը:

Ապրիլի 8-ին, շաբաթ.—Այսօր, Ջատկվա արձակուրդներից հետո, վերսկսվում են դասավանդությունները հոգևոր ճեմարանում:

Ապրիլի 9-ին, կիրակի.—Երկնագատիկ (Նոր կիրակի).


Մայր տաճարում ս. պատարագ է մատուցում տ. Եղիշե քհն. Բաղրամյանը:

Ս. պատարագին ներկա էր Վեհափառ Հայրապետը:

Հաւարտ ս. պատարագի, Վեհափառ Հայրապետի նախագահությամբ, կատարվում է հոգեհանգիստ՝ «ի յիշատակ քիրաւոր նահատակացն մերոց համաշխարհային Առաջին և Երկրորդ պատերազմաց»:

Ապրիլի 14-ին, ուրբաթ.—Այսօր երեկոյան հոգևոր ճեմարանում հետաքրքիր դասախոսություն է կարդում տ. Աղան վրդ. Բալիոզյանը՝ «Երուսաղեմը և տեղի հայկական պատրիարքությունը» թեմայով:

Դասախոս հայր սուրբը պատասխանում է նաև ուսանողության հարցերին:



Ապրիլի 18-ին, կիրակի.—Աշխարհամատ-
րան (Կանաչ կիտակէ).

Մայր տաճարում ս. պատարագ է մատու-
ցում տ. Աղան վրդ. Բալիոզյանը և «Հայր
մեր»-ից առաջ քարոզում «Ահաառիկ դնեմ
ի Սիրվն վէմ ընտիր... Որ ի նա հաւատաւսցէ
մի ամաշեսցէ» բնաբանով:

Ապրիլի 22-ին, շաբաթ.—Այսօր, առա-
վոտյան ժամը 12-ին, Վեհափառ Հայրապե-
տին եմ այցելում արգենտինահայ հայտնի ե-
րածիշտ Ալիսա Թերզյանը և հյուրախաղե-
րով Հայաստանում գտնվող արգենտինացի
սիրված կինոդերասանուհի և հանրաժանութ-
երգչուհի Լոլիտա Թորեսը՝ իր նվագախմբի
անդամների հետ:

Հարգելի արվեստագետներին ողջեցում
էր արգենտինահայ ծանոթ ազգային պրն.
Տիգրան Մյուրաքյանը:

Հայոց Հայրապետի, օրհորդ Ալիսա Թերզ-
յանի, Լոլիտա Թորեսի և մյուս արվեստա-
գետների միջև տեղի է ունենում ջերմ գրույց,
սրտագին մթնոլորտում՝ հայ և արգենտինյան
ժողովուրդների և մշակույթների վերաբեր-
յալ մի շարք կարևոր ու հետաքրքիր հարցե-
րի շուրջ:

Հաջորդ օրերին Վեհափառ Հայրապետը
Հայֆիլիհարմոնիայի համերգային մեծ դահ-
լիսում բարեհաճում է ներկա լինել Ալիսա
Թերզյանի և Լոլիտա Թորեսի համերգներին:

Ապրիլի 28-ին, կիրակի.—Կարմիր կիտա-
կէ.

Մայր տաճարում ս. պատարագ է մատու-
ցում տ. Մասիս արդ. Գալստյանը և քարո-
զում «Նախանձ տան քո կերիցէ զիս» բնա-
բանով:

Ս. պատարագին ներկա էր Վեհափառ
Հայրապետը:

Ապրիլի 24-ին, երկուշաբթի.—Ցիշատակ
քիրաւոր մահատակացն մերոց, որք կատա-

րեցան լընթացս համաշխարհային Առաջին
պատերազմի.

Ապրիլյան եղեռնի 57-րդ տարեդարձի առ-
թիվ Մայր տաճարում ս. պատարագ է մա-
տուցում տ. Աղան վրդ. Բալիոզյանը:

Ս. պատարագին ներկա էր նաև Վեհա-
փառ Հայրապետը:

Ներկա էին նաև Մայր Աթոռի ողջ միա-
բանությունը, պաշտոններությունը, հոգևոր ճե-
մարանի դասախոսական կազմը, ուխտավոր-
ներ և հավատացյալների հոծ բազմություն:

«Հայր մեր»-ից առաջ քարոզում է տ. Գե-
վորգ վրդ. Սերայդարյանը՝ «Ահաառիկ ես
բացից զգերեզմանս ձեր, և հանեց զձեզ ի
գերեզմանաց ձերոց, ժողովուրդ իմ... Եւ տաց
զոգի իմ ի ձեզ, և լինիջիք կենդանի, և եղից
զձեզ յերկրին ձերում» Եզեկիելյան բնաբա-
նով:

Հավարտ ս. պատարագի, Վեհափառ Հայ-
րապետի նախագահությամբ, Մայր տաճարի
հյուսիսային կողմում կանգնեցված Եղեռնի
նահատակաց հուշարձանի առջև կատար-
վում է հոգեհանգստյան արարողություն:

Ժամը 15-ին Մայր Աթոռի միաբանությու-
նը և հոգևոր ճեմարանի ուսանողությունը
ուխտի եմ գնում Ծիծեռնակաբերդ՝ իրենց
հարգանքի տուրքը մատուցելու մեր նահա-
տակների անմահ հիշատակին:

Ապրիլի 27-ին, հինգշաբթի.—Հոգևոր ճե-
մարանի հանդիսությունների սրահում միա-
բանության, ուսանողության և պաշտոնեու-
թյան համար պրոֆ. Սուրեն Զոհրաբյանը
կարդում է իր երկրորդ բովանդակային դա-
սախոսությունը «Ուղեղի և ներվային դրու-
թյան մասին» թեմայով:

Դասախոսությանը ներկա էր նաև Վեհա-
փառ Հայրապետը:

Ապրիլի 80-ին, կիրակի.—Տօն երևման ս.
Խաչի.

Մայր տաճարում ս. պատարագ է մատու-
ցում տ. Հակոբ քհն. Հակոբյանը:

Այսօր ուխտավորաբար Մայր Աթոռ է ժա-
մանում Մելքունի հոգևոր հովիվ տ. Ոսկան
Ծ. վրդ. Գալբակյանը:

